

**UGOVOR o snabdijevanju električnom energijom u okviru javnog snabdijevanja  
za kategoriju ostala potrošnja na 0,4 kV naponu**

**Broj: ST - 40401-175341/20**

zaključen između:

**Javno preduzeće Elektroprivreda Bosne i Hercegovine d.d. - Sarajevo**, Vilsonovo šetalište 15, Sarajevo,  
Podružnica "Elektrodistribucija" SARAJEVO, adresa: Zmaja od Bosne 49, 71000 SARAJEVO ,  
koju zastupa **HARIS TRNKA**, direktor (u daljem tekstu "Snabdjevač"),

i

Krajnji kupac: **KANTONALNI ZAVOD ZA ZAŠTITU KULTURNO-HISTORIJSKOG**, adresa: **JOSIPA ŠTADLERA 32, 71000 SARAJEVO**

ID: **4200004140005**, PDV: , kojeg zastupa **NERVIN DACIĆ**,  
direktor (u daljem tekstu "Kupac").

**Osnovni podaci o Kupcu:**

1. Grupa potrošnje: u Prilogu C koji je sastavni dio ovog ugovora
2. Šifra mjernog mjeseta: u Prilogu C koji je sastavni dio ovog ugovora
3. Adresa mjernog mjeseta: u Prilogu C koji je sastavni dio ovog ugovora
4. Adresa dostave računa ili e-mail adresa: u Prilogu C koji je sastavni dio ovog ugovora
5. Priključna snaga (kW): u Prilogu C koji je sastavni dio ovog ugovora
6. Broj i datum ugovora o korištenju distributivne mreže: u Prilogu C koji je sastavni dio ovog ugovora

**Član 1.**  
**Predmet Ugovora**

Predmet ovog Ugovora je snabdijevanje električnom energijom i definisanje odnosa, prava i obaveza između Snabdjevača i Kupca koji ima status nekvalifikovanog (tarifnog) kupca električne energije na niskom naponu - kategorija ostala potrošnja na 0,4 kV naponu.

Na sve što nije regulisano ovim Ugovorom primjenjivat će se odredbe slijedećih propisa: Zakon o obligacionim odnosima (u daljem tekstu "ZOO"), Zakon o električnoj energiji (u daljem tekstu "ZEE"), Odluka o utvrđivanju cijene usluge javnog snabdjevača za pružanje univerzalne usluge JP Elektroprivreda BiH d.d.-Sarajevo (u daljem tekstu "Odluka o utvrđivanju cijene"), Opšti uslovi za isporuku električne energije (u daljem tekstu:"Opšti uslovi"), Pravilnik za tarifnu metodologiju i tarifne postupke (u daljem tekstu "Pravilnik"), Pravilnik o snabdijevanju kvalifikovanih kupaca električnom energijom i postupku promjene snabdjevača (u daljem tekstu "Pravilnik o snabdijevanju"), Dozvola za rad - Licenca za obavljanje djelatnosti snabdijevanja električnom energijom prvog reda (u daljem tekstu "Licenca"), Zakon o korištenju obnovljivih izvora energije i efikasne kogeneracije odnosno propisi i akti koji u toku važenja ovog Ugovora na novi način urede pitanja regulisana navedenim propisima, odnosno aktima, kao i ostali zakonski i podzakonski akti koji tretiraju ovu materiju.

**Član 2.**  
**Snaga i količina električne energije i uslovi snabdijevanja**

Snabdjevač će isporučivati, a Kupac će preuzimati električnu energiju i snagu preko distributivne mreže isključivo za svoje potrebe i u skladu sa Uslovima korištenja distributivne mreže.

Snabdjevač i Kupac oslobadaju se preuzetih obaveza u pogledu isporuke odnosno preuzimanja električne energije u slučajevima obustave isporuke električne energije i ograničenja u isporuci električne energije, u skladu sa važećim Opštim uslovima.

### **Član 3. Kvalitet snabdijevanja**

Za sigurnost, pouzdanost i kvalitet isporuke električne energije, u skladu sa važećim Opštim uslovima, odgovoran je nadležni ODS.

Snabdjevač se obavezuje uslugu snabdijevanja električnom energijom obavljati pouzdano i kvalitetno u skladu sa odredbama važećih Opštih uslova i zakonske regulative koja određuje uslove snabdijevanja koje mora ispuniti Snabdjevač električne energije.

### **Član 4. Način mjerena**

Mjerenje električne energije vrši se mjernim uređajem u sastavu priključka objekta Kupca na distributivnu mrežu.

Kupac je dužan u svako vrijeme omogućiti pristup obračunskom mjernom mjestu i mjernim uredajima radi održavanja i očitanja, kao i radi obustave isporuke - isključenja.

Očitanje mjernih uređaja vrši se jedanput mjesečno, kao i u slučaju promjene tarifnih stavova i drugih elemenata koji utiču na obračun.

### **Član 5. Način obračuna**

Snabdjevač vrši obračun električne energije Kupcu po obračunskim elementima na osnovu očitanih mjernih podataka i na osnovu tarifnih stavova i vremena primjene tarifnih stavova iz važeće Odluke o utvrđivanju cijene.

Kupac preuzima obavezu plaćanja pripadajućeg dijela troškova zajedničke potrošnje ako sa više krajnjih kupaca ostvaruje zajedničku potrošnju. U slučaju da dođe do promjene tarifnih stavova za pružanje univerzalne usluge na koju saglasnost da je FERK, Snabdjevač i Kupac su saglasni da se primjenjuju novi tarifni stavovi od dana stupanja na snagu istih.

### **Član 6. Dostava računa i plaćanje**

Snabdjevač dostavlja račun Kupcu na osnovu obračuna izvršenog po odredbama ovog Ugovora, u roku od 5 (pet) dana od dana izdavanja računa, na adresu dostave računa navedenu u ovom Ugovoru.

Račun će sadržavati jasnu strukturu troškova i propisanih naknada.

Ako Kupac ne zaprimi račun za obračunski period u ugovorenom roku, dužan je o tome obavijestiti Snabdjevača, a Snabdjevač će izdati Kupcu kopiju računa bez posebne naknade.

Rok plaćanja ispostavljenog računa je 15 (petnaest) dana od dana izdavanja računa. Ako Kupac ne plati novčanu obavezu obračunskog perioda u roku dospijeća, Snabdjevač će obračunati zakonsku zateznu kamatu koju iskazuje po izvršenoj uplati na prvom sljedećem računu za električnu energiju.

Ukoliko se Kupac opredijeli za dostavu računa putem elektronske pošte, rok plaćanja ispostavljenog računa je 30 (trideset) dana od datuma izdavanja računa.

### **Član 7. Promjena podataka**

Kupac je obavezan da pisanim putem obavijesti Snabdjevača o izmjenama odgovarajućih podataka kao što je ime/firma, adresa i slične izmjene podataka u toku ugovornog perioda koji utiču na obračun i dostavu računa.

Kupac je davanjem kontaktnih podataka iz ovog Ugovora saglasan sa prikupljanjem i obradom ovih podataka od strane Snabdjevača u svrhu adekvatnog informisanja Kupca od strane Snabdjevača i unapređenja komunikacije između Kupca i Snabdjevača.

### **Član 8. Prigovor na račun**

Kupac može Snabdjevaču podnijeti pisani prigovor u roku od 15 (petnaest) dana od dana izdavanja računa u kojem djelimično ili u cijelosti osporava račun.

Prigovor Kupca ne odgađa plaćanje neosporenog dijela računa u roku dospijeća.

Snabdjevač je dužan pisanim putem odgovoriti Kupcu na prigovor u roku od 8 (osam) dana od dana prijema prigovora.

Ako je prigovor opravдан, Snabdjevač će izdati novi račun s novim rokom dospijeća.

U slučaju neprihvatanja prigovora, Kupac je dužan platiti prvobitno ispostavljeni račun u punom iznosu.

U slučaju da se prigovor Kupca odnosi na neku povredu odredbi Opštih uslova, a ne na izdati račun, Kupac ima pravo prigovora u roku od 15 (petnaest) dana od dana nastanka razloga za podnošenje prigovora. Snabdjevač će pisanim putem odgovoriti u roku od 15 (petnaest) dana. Prigovori će se rješavati na način predviđen internim aktom Snabdjevača i Opštim uslovima.

**Član 9.**  
**Ograničenje i obustava isporuke električne energije**

Kupcu može biti ograničena ili obustavljena isporuka električne energije u slučajevima, pod uslovima i na način utvrđen Opštim uslovima.

Ako Kupac ne izvršava obavezu plaćanja u ugovorenom roku, Kupcu može biti izvršena obustava isporuke električne energije nakon isteka roka utvrđenog u obavještenju o obustavi isporuke električne energije koji ne može biti kraći od 8 (osam) dana.

**Član 10.**  
**Ograničenje isključenja**

Obustavljanje isporuke električne energijom se neće izvršiti na objektu unutar kojeg se koristi elektromedicinska oprema neophodna za održavanje ljudskog života, a za čiji rad je neophodno napajanje iz distributivne mreže.

Kupac je obavezan dostaviti Snabdjevaču dokaz o korištenju elektromedicinske opreme navedene u prethodnom stavu ovog člana.

**Član 11.**  
**Osiguranje naplate**

U slučaju da Kupac neuredno izmiruje svoje obaveze po osnovu ovog Ugovora, Snabdjevač može tražiti a Kupac je dužan dostaviti Snabdjevaču bankovnu granaciju ili bjanko mjenicu sa mjeničnom izjavom kao granaciju obezbeđenja plaćanja preuzete električne energije. Visina bankarske garancije će iznositi dvije zadnje mjesecne fakture Kupca.

**Član 12.**  
**Naknada štete**

Odgovornost za učinjenu štetu, način rješavanja i visinu naknade štete, ugovorne strane će utvrđivati u skladu sa Opštim uslovima i odredbama ZOO.

Visina naknade štete biće utvrđena sporazumno na osnovu tržišnog pristupa ili na osnovu vještačenja od strane neovisnog vještaka prihvativog za obje strane.

Ako strane ne postignu konsenzus o odgovornosti za učinjenu štetu i visini štete svaka strana ima pravo da pokrene sudski spor.

**Član 13.**  
**Način razrješavanja sporova**

Ugovorne strane su saglasne da će eventualne sporove rješavati sporazumno.

U slučaju da ugovorne strane ne mogu riješiti spor dogовором, iste mogu podnijeti zahtjev za rješavanje spora FERK-u, u skladu sa Opštim uslovima.

Za sporove koji se ne mogu riješiti sporazumo ili putem FERK-a, ugovorne strane su saglasne da je za rješavanje spora nadležan mjesno nadležan sud.

**Član 14.**  
**Primjena propisa**

Ugovorne strane se obavezuju da primjenjuju zakon, Opšte uslove i druga pravila i propise FERK-a.

U slučaju promjena postojećih ili donošenja novih zakona, Opšthih uslova, Odluke o utvrđivanju cijena i drugih pravila i propisa FERK-a ili Snabdjevača, obračun i fakturisanje isporučene električne energije vrši se od dana važnosti novih propisa, u skladu sa istim, i bez zaključenja novog ugovora ili aneksa ovom Ugovoru.

**Član 15.**  
**Izuzeci od obaveze isporuke**

Snabdjevač se oslobada obaveza u pogledu snabdijevanja električnom energijom u periodu trajanja kvara u sistemu, više sile ili radova na mreži, kao i ostalih okolnosti na koje nije mogao uticati.

**Član 16.**  
**Promjena vlasništva**

Promjena vlasništva objekata i naslijedivanje, odnosno prijava i odjava mjernog mjesta, regulirani su odredbama Opšthih uslova.

**Član 17.**  
**Promjena snabdjevača**

Kupac može promijeniti snabdjevača električnom energijom, u roku i na način propisan Pravilnikom o snabdijevanju, uz obavezu izmirenja svih obaveza nastalih do datuma promjene snabdjevača.

**Član 18.**  
**Povjerljivost i ovlaštenja**

Kupac je saglasan da Snabdjevač može koristiti podatke vezane za ugovorni odnos u svrhu ispunjavanja ugovornih obaveza, a u skladu sa propisima o zaštiti ličnih podataka.

Kupac je saglasan da Snabdjevač može vršiti razmjenu informacija i podataka sa ODS-om, a koji se odnose na mjerna mjesta Kupca, koja su predmet ovog Ugovora.

**Član 19.**  
**Trajanje i prestanak Ugovora**

Ovaj Ugovor se zaključuje na neodređeno vrijeme. Svaka ugovorna strana može na pisani zahtjev raskinuti ovaj Ugovor uz otkazni rok od 30 (trideset) dana pod uslovom da izmiri sve neizmirene obaveze prema drugoj strani do raskida ugovora.

U slučaju raskida ugovora zbog promjene snabdjevača za kupca koji u momentu raskida ugovora ima rok plaćanja 15 (petnaest) dana otkazni rok je 21 dan (dvadeset i jedan) dan pod uslovom da izmiri dospiele obaveze prema drugoj ugovornoj strani.

U slučaju raskida ugovora zbog promjene snabdjevača za kupca koji u momentu raskida ugovora ima rok plaćanja 30 (trideset) dana otkazni rok je 30 (trideset) dana pod uslovom da izmiri svoje dospiele obaveze prema drugoj ugovornoj strani.

Ugovorna strana koja pokreće postupak raskida ugovora zbog neispunjena obaveza druge strane, obavezuje se, prije podnošenja pisane obavjesti o raskidu ugovora, dostaviti pisanu opomenu drugoj strani o neizvršavanju obaveza sa dodatnim rokom za ispunjenje obaveza.

U slučaju ako Kupac u dodatnom roku ne otkloni razloge zbog kojih mu je obustavljena ili naložena obustava snabdjevanja električnom energijom, ovaj Ugovor će biti raskinut na osnovu pisano zahtjeva Snabdjevača.

Ugovor može prestati važiti u slučaju nastupa drugih okolnosti za prestanak ugovora prema odredbama zakona i Opštih uslova.

**Član 20.**  
**Broj primjeraka**

Ovaj Ugovor sastavljen je u 2 ( dva ) istovjetna primjerka, od kojih svaka ugovorna strana zadržava po jedan primjerak.



Datum: ..... - 6 - 02 - 2020



Datum: ..... - 07 - 02 - 2020

01-163-1/20

**PRILOG C**  
**UGOVORA O SNABDIJEVANJU ELEKTRIČNOM ENERGIJOM U OKVIRU JAVNOG SNABDIJEVANJA**  
**ZA KATEGORIJU OSTALA POTROŠNJA NA 0,4 kV NAPONU**

Broj: ST - 40401-175341/20

**Podaci o obračunskim mjernim mjestima:**

Redni broj	Šifra mjernog mjesta	Kategorija i grupa potrošnje	Adresa mjenog mjesta	Priključna snaga (kW)	Broj ugovora o korištenju ed mreže i datum izdavanja
1	2432889	M-1	JOSIPA ŠTADLERA 32, SARAJEVO	33,93	204-5792/11 - 30.03.2011
2	2433842	M-2	JOSIPA ŠTADLERA 32, SARAJEVO	3,03	204-28462/10 - 18.12.2010

## Kontakt podaci za obračunska mjerna mjesta:

Adresa dostave računa ili E-mail adresa	JOSIPA ŠTADLERA 22, 71000 SARAJEVO
Fiksni telefon	
Mobilni telefon	
Kupac je saglasan sa prikupljanjem i obradom kontaktnih podataka od strane Snabdjevača	



Datum: .....



Datum: .....